

淳化縣志

第二本



淳化縣志卷五

知縣事南州萬延樹重纂

大事記第三

秦

史記秦始皇本紀三十五年除道道九原抵雲陽

徙五萬家於雲陽復不事十歲 亮吉按程大昌雍

錄以甘泉名宮者三秦甘泉在渭南漢甘泉在雲陽

磨石嶺上隋甘泉在鄠縣舊縣志作年表誤合秦漢

甘泉宮為一故始皇本紀二十七年作甘泉宮前殿

一等皆錄入今不取

顏師古漢書注秦二世造林光宮

淳化縣志卷五 大事記

漢

漢書文帝紀三年五月匈奴入居北地河南為寇上

幸甘泉 上自甘泉至高奴 十年冬行幸甘泉

匈奴傳孝文十四年匈奴單于十四萬騎入朝那蕭

關殺北地都尉印虜臣民畜產甚多遂至彭陽使騎

兵入燒回中宮侯騎至雍甘泉 顏師古注甘泉在

雲本秦林光宮

武帝紀元朔四年冬行幸甘泉 元鼎五年十一月

辛巳朔旦冬至立秦時於甘泉天子親郊見朝日夕

月 元封元年冬十月行自雲陽北歷上郡西河五

原出長城 還祠黃帝於橋山迺歸甘泉 自遼西

歷北邊九原歸於甘泉 二年還作甘泉通天臺

六月詔曰甘泉宮內中產芝九莖連葉上帝博臨不

異下房賜朕宏休其赦天下賜雲陽都百戶牛酒作

芝房之歌 五年夏四月還幸甘泉郊泰畤 太初

元年春還受計於甘泉 天漢元年春正月行幸甘

泉郊泰畤 四年春正月朝諸侯王於甘泉宮 去

始元年春正月徙郡國吏民豪傑於茂陵雲陵注

古曰此當言雲陽而傳寫者誤為陵耳茂陵帝自所

起而雲陽甘泉所居故總使徙豪傑也 三年行幸

甘泉宮饗外國客 征和二年夏行幸甘泉 四年

夏六月還幸甘泉 後元元年春正月行幸甘泉

淳化縣志卷五 大事記

泰畤 二年春正月朝諸侯王於甘泉宮 郊祀

元符五年 天子病鼎湖甚巫醫無所不致游水發

言上郡有巫病而鬼下之上召置祠之甘泉 元

四年 六月汾陰巫錦為民祠魏雎后土營傍見地如

鉤狀培視得鼎鼎大異於眾鼎文鏤無欸識怪之言

吏吏告河東太守勝勝以聞天子使驗問巫得鼎無

姦詐廼以禮祠迎鼎至甘泉宮從上行薦之 元封

二年 甘泉則作益壽延壽館使卿持節設具而候神

人廼作通天臺置祠具其下將招來神仙之屬於是

甘泉宮更作前殿始廣諸宮室夏有芝生甘泉殿房

內中 上還以栢梁災 太初元年 故受計甘泉公孫

卿曰黃帝就青靈臺十二日燒黃帝乃治明庭明臺  
甘泉也方士多言古帝王有都甘泉者其後天子又  
朝諸侯甘泉甘泉作諸侯邸 震電災林光宮門  
禮樂志武帝祠太 於甘泉就乾位也正月上辛  
事甘泉園邱皆祠至明夜有神光集祠壇天子自竹  
宮望拜 武五子傳征和二年夏上避暑甘泉宮  
昭帝紀武帝後元二年追尊趙婕妤爲皇太后起雲  
陵注文穎曰婕妤先葬於雲陽是以就雲陽爲起雲  
陵 始元元年夏爲太后起原廟雲陵 三年秋  
民徙雲陵賜錢田宅 四年夏六月徙三輔富人雲  
陵賜錢戶十萬

淳化縣志卷五 大事記

三

宣帝紀元康四年神爵集甘泉泰畤殿中神爵元年  
春正月行幸甘泉郊泰畤 五鳳元年春正月行幸  
甘泉郊泰畤 甘露元年春正月行幸甘泉郊泰畤  
三年春正月行幸甘泉郊泰畤 上自甘泉宮徙  
陽宮 黃龍元年春正月行幸甘泉郊泰畤匈奴  
韓邪單于來朝禮賜如初 匈奴傳甘露三年正月  
朝天子於甘泉宮

元帝初元二年春正月行幸甘泉郊泰畤賜雲陽民  
爵一級女子百戶牛酒三年六月罷甘泉建章宮衛  
令就農 四年春正月行幸甘泉郊泰畤 永光元  
年春正月行幸甘泉郊泰畤赦雲陽徙賜民爵一級

女子百戶牛酒高年帛 五年春正月行幸甘泉郊

泰時 建昭二年春正月行幸甘泉郊泰時 郊祀

志元帝卽位遵舊儀閏歲正月一幸甘泉郊泰時

成帝建始元年十二月作長安南北郊罷甘泉汾陰

祠是日大風拔甘泉時中大木十圍以上 鴻嘉二

年春幸雲陽 永始三年冬十月皇太后詔有司復

甘泉泰時汾陰后土雍五時陳倉陳寶祠 四年春

正月行幸甘泉郊泰時神光降集紫殿大赦天下賜

雲陽吏民爵女子百戶牛酒鰥寡孤獨高年帛 元

延二年春正月行幸甘泉郊泰時 四年春正月行

幸甘泉郊泰時 綏和二年春正月行幸甘泉郊泰

淳化縣志卷五大事記

四

時 郊祀志成帝初卽位丞相衡御史大夫譚奏言

往者孝武皇帝居甘泉宮卽於雲陽立泰時祭於宮

南今行常幸長安郊見皇天反北之泰陰祠后土反

東之少陽事與古制殊又至雲陽行谿谷中阨狹且

百里汾陰則渡大川有風波舟楫之危皆非聖主所

宜數乘奏可 明年匡衡坐事免官爵衆庶多言不

當變動祭祀者又初罷甘泉泰時作南郊日大風壞

甘泉竹宮折拔時中樹木十圍以上百餘天子異之

呂問劉向對曰家人尚不欲絕種祠況於國之神寶

舊時且甘泉汾陰及雍五時始立皆有神祇感應然

後營之非苟而已也 後上呂無繼嗣故令皇太后

詔有司復甘泉泰畤汾陰后土如故天子復親郊禮  
如初 成帝末年谷永說上疏云迺三月甲子震電  
災林光宮門 成帝崩皇太后詔有司曰皇帝卽位  
思順天心遵經義定郊禮天下說憙懼未有皇孫故  
復甘泉泰畤汾陰后土庶幾獲福皇帝恨難之卒未  
得其祐其復南北郊長安如故呂順皇帝之意也

哀帝三年冬十一月復甘泉泰畤汾陰后土祠罷南  
北郊

郊祀志哀帝卽位寢疾復令太皇太后詔有司曰皇  
帝孝順奉承聖業靡有懈怠而久疾未瘳夙夜惟思  
殆繼體之君不宜改作其復甘泉泰畤汾陰后土祠

淳化縣志卷五 大事記

五

如故上亦不能親至遣有司行事而禮祠焉

平帝元始二年論說江湖賊成重等二百餘人皆自  
出送家在所收事重徙雲陽賜公田宅 郊祀志平  
帝元始五年大司馬王莽等奏徙甘泉泰畤汾陰后  
土皆復於南北郊奏可

後漢

續漢書五行志桓帝延熹元年七月乙巳雲陽地震

後魏

魏書劉芳傳雲陽伯鄭演滎陽人顯祖初內附入朝  
以功除洛陽侯後改爵雲陽伯卒諡曰懿子長猷襲

爵永平五年卒諡曰貞侯子廓襲卒子元休襲齊受

禪爵例降 魏書闔宦傳白整太和末爲大長秋賜爵雲陽男 亮吉按路史國名記雲陽上古帝王之世國通志錄之今考路史所列國名大率難據今不取又縣邑建省土地記已詳此不更錄舊志又於年表載苻堅置三原護軍等事考晉書載記苻秦於池陽置三原護軍於雲陽無干今亦削之

後周

周書太祖紀魏恭帝三年九月太祖有疾還至雲陽十月乙亥崩於雲陽宮 尉遲綱傳嘗從太祖北狩雲陽值五鹿俱起綱獲其三賀若敦嘗從太祖校獵於甘泉宮時圍人不齊獸多逃匿太祖大怒人皆股戰圍內惟有一鹿俄亦突圍走敦躍馬馳之鹿上東山敦棄馬步逐至山半便擊之而下太祖大悅諸將亦得免責

淳化縣志卷五 大事記

六

周書武帝建德三年二月乙卯行幸雲陽宮 三月辛酉至是雲陽宮 秋七月庚申行幸雲陽宮 戊子至是雲陽宮 四年秋七月 舊志作八月誤 丙

辰行幸雲陽宮 丁卯至是雲陽宮 五年六月丁

巳行幸雲陽宮 八月乙卯至是雲陽宮 六年五

月癸卯行幸雲陽宮 六月丁未至是雲陽宮 宣

政元年五月癸巳帝不豫止於雲陽宮 六月丁酉

帝疾甚還京 亮吉按帝紀之例行幸必書今考周

書武帝紀凡幸雲陽者六北史惟書建德三年七月  
行幸雲陽餘皆不書蓋延壽之略也舊志又以宣政  
元年一條爲周宣帝時更不足辨

宣帝紀大象二年四月壬午幸中山祈雨至咸陽宮  
雨降

唐

唐書五行志太宗貞觀十三年六月雲陽石自燃投  
草木皆焚

資治通鑑唐太宗貞觀二十年八月鐵勒十二姓入  
貢壬申上幸漢故甘泉宮

唐書王仁皎傳中宗景龍中仁皎以將帥舉授甘泉

淳化縣志卷五 大事記

七

府果毅遷左衛中郎將 亮吉按此則甘泉亦唐府  
兵之一故錄入大事記

唐書代宗紀永泰元年詔李光進屯雲陽

唐書武宗紀會昌四年十一月獵於雲陽

唐書宣宗紀大中四年以鄭光孝爲平盧節度使徙  
河中鳳翔又賜鄠雲陽二縣良田詔除其租

唐書昭宗紀乾寧二年制削王行瑜官爵以李克用  
爲招討使討之以并帥討邠寧駐軍梨園寨敗邠寧  
軍於梨北行瑜走入邠州

後唐

五代史莊宗同光元年以雲陽縣隸順義軍

宋

李燾長編太宗太平興國二年以雲陽縣隸感德軍  
淳化四年以金龜等六鄉建爲縣

明

明史五行志嘉靖三十七年閏七月淳化雨雹 萬  
歷四十四年夏六月大雨五六日涇陽口子鎮有羊  
化爲龍橫截谷水推激大石如雷聲兩岸山俱動直  
抵雲陽漂沒七十餘邨

知縣事南州萬廷樹重纂

道里記第四

秦道里

三輔黃圖秦林光宮仙人觀緣山谷行至雲陽三百八十里入右扶風周回五百四十里括地志秦之林光宮漢之甘泉在雍州雲陽西北八十里

漢道里

漢舊儀通天臺去長安三百里望見長安城漢官儀注同玉海云關輔記甘泉宮周十九里去長安三百里括地志雲陽城在雍州雲陽縣西八十里

唐道里

元和郡縣志京兆府東至東都八百三十五里東至華州一百八十里東南至商州二百六十五里南取庫谷路至金州六百八十里西南至洋州六百三十里正西徼北至鳳翔三百一十里西北至邠州三百里東北至坊州一百五十里正東徼北至同州二百五十里雲陽縣西南至府一百二十里漢雲陽故縣在縣西北八十里

宋道里

太平寰宇記雲陽屬耀州州正東偏南至東京一千二百里正東偏南至西京一百六十里東至同州一

百八十里西至邠州三水縣界一百二十里南至永豐軍一百六十里北至坊州一百八十里東至華州一百八十里西南至永興軍涇陽縣界六十七里東北至坊州宜君縣界八十三里西北至邠州一百八十里雲陽縣在州西南七十里長安志縣境東西七十里南北一百二十里西南至京兆府一百二十里

明道里

明史地理志邠州東南距府三百五十里淳化縣在州東南明萬歷中邠州志州東南至西安府正南鳳翔府正西至平涼府北至慶陽府俱三百五十里

淳化縣志卷六 道里記

東至涇陽縣二百八十里東南至永壽縣七十里南至麟遊縣一百二十里西南至靈臺縣一百二十里西至涇州一百八十里西北至寧州一百四十里北至眞寧縣八十里東北至宜君縣一百六十里淳化縣西北至州一百四十里

國朝道里

陝西通志邠州治在布政司西北三百二十里淳化縣在州東少南一百四十里東至耀州界四十里西至本州界四十五里南至醴泉縣界四十里北至三水縣界四十五里東南至涇陽縣界四十里西南至南莊村醴泉縣界五十里東北至孟侯村耀州界西

十五里西北至二十里原三水縣界四十里距省一百六十里編戶六里 東至耀州治九十里西至本州治一百四十里南至醴泉縣治一百二十里北至三水縣治一百里東南至涇陽縣治九十里

淳化縣志卷七

知縣事南州萬廷樹重纂

戶口記第五

秦徙雲陽五萬家

史記秦始皇本紀三十五年徙五萬家雲陽復不事  
十歲

漢雲陵徙戶

漢書昭帝紀始元四年夏六月徙三輔富人雲陵賜  
錢戶十萬 外戚傳雲陵邑三千戶

明淳化戶口

明州志淳化縣戶二千五百四十八口三萬三千一

淳化縣志卷七 戶口記

百五十三

國朝淳化門丁

舊志原額三門九則不等共折下下門九千八百三  
丁每丁徵銀一錢二分六釐九毫四絲四忽九微除  
優免三百八十五丁實行差九千四百一十七丁順  
治七年九月督撫彙題奉

旨豁免逃亡六千五百三十六丁又節年審除去絕  
丁一千一百五十八丁外招回并審出五百二十五  
丁通計實在下下門丁二千二百四十八丁 陝西  
通志雍正五年以糧載丁共均丁銀一千九十五兩  
八錢九分八釐二毫三絲三忽八微七纖七塵五渺

又永不加賦丁二十丁

淳化縣志卷七戶口記

二

風土記第六

士農

舊志科目不及諸大邑然士多苦志篤於誦讀長吏之庭無茂才投謁僧寮道宇皆設蒙塾農務耕耘勤力作卽列子衿恒操耒耜所患饑寒往往輕去其鄉未能概勸以開墾之利

工商

舊志樸斲塗茨率皆麤率無淫巧粉飾之習商旅不通亦鮮資本逐末貿易

淳化縣志卷八 風土記

婦女

舊志雖紡績亦踈而閨範嚴謹街衢間平日無行蹤倡伎久經驅逐尤爲前人善政

僧道

舊志寺觀寥寥闔邑止二三人遊方亦絕不至

屋宇

舊志繩樞圭竇比戶類然山崖間大都穴居

飲食

舊志飯惟菽粟尤以麥爲常飲祇淡醪卽雞豚多畜

幸烹亦鮮

服飾

舊志男婦貴賤皆布素絕不見綺紈紗縠之節故城無質庫過者知爲積貧

### 婚嫁

舊志婚禮簡易城中無肩輿無鼓吹音樂更喜無優人惟賽神招自鄰縣則問行之

### 喪葬

舊志舉殯引紼之禮久絕蓋習俗爲常非如通都以偷喪貽笑惟寒食焚衣子孫拜掃其葬穴多在巔崖婦女亦遵行不廢

### 宴會

舊志戶鮮百金之產故流連燕飲之習絕稀間行吉

淳化縣志卷八風土記

二

禮以饔飩爲供親朋分食之蘆酒亦名啞嘛注水爲汁用筒各吸至味盡乃止朋酒羔羊猶覺古幽風之侈也

### 物產

#### 五穀

舊志麥爲上粟次之菽與蕎麥又次之欲得稻米必購自他邑民鮮知味者

#### 菜蔬

舊志蔥蒜韭芥菠蒿蔓菁蒿苣茄子蘆菔瓠盧其種頗饒冬菜大而嫩藏窖中經春不壞

#### 瓜果

舊志棗栗榛柿桃李梨杏石榴核桃諸類俱有黃瓜  
冬瓜甜瓜俱自他產七八月西瓜有大如斗者

花木

舊志牡丹芍藥爲冠秋菊多品桃李梨杏外玫瑰鶯  
粟薔薇長春蛺蝶虞美人紫茉莉月季花亦楚楚爭  
勝俗呼葵爲大葉花一種黃如盤曰向日葵又名固  
本花惟梅則鄰邑植之此地絕少其梧桐榆槐椿多  
歷年久竟未見蒼松惜桑亦間有而孰筐之業久廢

羽毛

舊志鴉鴨雞雉皆供食外如鴉鳩鷹鶴獨雀多鷓鴣少  
燕亦希至民以驢騾爲生產牛羊豬犬鹿兔皆不乏

淳化縣志卷八風土記

間有獲狼虎者遠山叢林弋而取之

藥品

舊志柴胡蒼朮防風黃芩麻黃牽牛白蒺藜車前子  
大都產山谷中雖小茴香徧地皆生故爲賤種州志  
縣有枸杞今則必取自他郡其他藥味頗多類仍州  
志所載以存其槩

知縣事南州萬延樹重纂

祠廟記第七

黃帝園邱

漢儀注甘泉黃帝已來園邱祭天處 陝西通志園

邱在甘泉山下黃帝祭天處也

漢秦峙

已見上 陝西通志秦峙在甘泉山下漢元鼎五年

立

漢休屠金人祠

漢書地理志雲陽有休屠金人及徑路神祠三所音

淳化縣志卷九 祠廟記

三

義曰匈奴祭天處本雲陽甘泉山下秦奪其地後徙

休屠右地 師古注漢武帝得休屠祭天金人祠諸

卅泉以為天神主

漢徑路神祠

已見上 長安志徑路神祠在甘泉山下

漢越巫姑鄭祠

漢書地理志雲陽有越巫姑鄭祠三所孟康曰姑音

辜磔之辜越人祠也鄭音獲 亮吉按今本漢書姑

作媼誤今改正

漢武帝廟

太平寰宇記雲陽縣漢武帝廟在縣西北一百里

長安志漢武帝廟在雲陽西  
通志廟在淳化縣北四十里  
舊志在縣北三十里

唐振錫寺

長安志雲陽縣振錫寺在縣北一十五里差峩山上  
唐元和七年置

唐壽峰寺

舊陝西通志在縣北一里唐大中五年建  
明一統

志在縣治北  
舊志明萬歷中僧書法華經刻石立幢

國朝順治七年知縣趙賓康熙三十八年知縣佟世祿  
重修

淳化縣志卷九 廟祀

二

唐栢林寺

陝西通志唐人郎士元有栢林寺詩  
舊志在縣北五十里  
亮吉按通志云在縣北五里蓋誤

唐佛圖塔

舊志在縣南門內浮圖七級係唐時建造明崇正  
中知縣趙之琴重修邑人羅大纘記刻石堯其旁今已

漸圯

宋崔府君祠

舊志縣有宋所建崔府君祠金大定中改為東嶽廟

金東嶽廟

陝西通志在縣北門外二里高岡上舊為崔府君祠

金大定中改建明代累修邑人關邦鎮羅宏誥賈克忠有記

國朝乾隆四十二年知縣萬廷樹捐俸重修獻殿三間正殿三間寢殿三間東西廊房十六間

西嶽廟

舊志在縣西南二里

國朝乾隆二十八年邑人王運隆王永清重修

元大德中公子扶蘇廟

舊志在縣西北十五里舊傳元大德中修復

國朝順治初年邑人張志焯修康熙十年張鳳翼重修邑人宋振麟有記

淳化縣志卷九 廟記

三

明城隍廟

舊志在縣治北明嘉靖三年署縣事縣丞畢經移建隆慶初邑人羅中夫同衆修萬歷八年重修三十六年增饗殿四十二年增石欄邑人羅廷繡廷紳賈克忠各有碑記

國朝順治十二年知縣張邦佐重修

乾隆四十六年知縣萬廷樹捐俸重修寢室正殿各五間獻殿三間廊房十六間又新建樂樓三楹

八蜡廟

舊志在南門外明隆慶七年署縣事童思善以廢養濟院改建

國朝康熙二十五年知縣張綸重修

關帝廟

舊志在縣治西南明天啟四年邑人賈克忠等修崇  
正十五年重修山東司郎中楊國柱碑記後三義殿  
萬歷三十五年增建邑人郝應芳碑記崇正中重修  
知縣楊泰貞碑記乾隆十八年把總朱富榮重修

文昌閣

舊志在城東南角因山爲臺而立明萬歷中知縣歐  
陽煖以山城形勝巽位卑遜創建以補風脉有碑記  
僕地文斷滅莫辨

國朝順治十二年知縣張邦佐重修

淳化縣志卷九祠廟記

四

龍王廟

舊志在仲山洪堰旁以鐵爲瓦俗呼鐵瓦殿

公劉廟

舊志在縣西五十里

漢薄太后廟

舊志在縣東四十里明正德中里人寇琪談敏修復  
國朝康熙七年里人重修邑人宋振麟有記

漢博陸侯霍光廟

舊志在縣西南五里地名車塢

唐汾陽郭子儀廟

舊志在縣南八里齊池村

娘娘廟

通志在縣西二十里涇水上俗傳偶來一閨女生化於此因塑象立廟山麓有小湫每歲旱遠近爭取水禱雨奉祀為神舊志同 亮吉按已上祠廟皆明州志及明舊通志所有故列入明代

國朝四公生祠

舊志在縣治西南康熙八年縣耆士為總督山陝都御史莫公 巡撫陝西都御史白公 布政司阿公

按察司穆公建有邑人賈我琪萬民戴德碑記

趙公生祠

舊志在縣治西北康熙三年合縣士庶為知縣趙寶

淳化縣志卷九祠廟記

建有碑記

文公生祠

舊志在縣治西南康熙八年合縣士庶為知縣文秉濂建近已圯廢四十年知縣張如錦別設木主同供

趙公祠中題曰趙文二公合祠有記

朱公生祠

舊志在縣治東北康熙三十三年邑人為知縣朱廷

鉉建有碑記

六烈女

舊志在縣治東康熙四十年四月知縣張如錦為羅氏一門五烈葛氏十三歲烈女捐俸創建有記

風雲雷雨山川壇

縣冊在南門外

社稷壇

舊志在北門外

縣厲壇

舊志在北門外

雲寂寺

舊志在縣西南十里

廣延寺

舊志在縣北四十里

金輪寺

淳化縣志卷九 祠廟記

舊志在縣南三十五里寺已廢惟佛像及一鐘尚存

準提庵

舊志在縣治北順治十三年縣人賈我琳創建

保真觀

舊志在南門外順治十二年知縣張邦佐重修

眞武殿

舊志在北門外

老君庵

舊志在縣西二十里

塚墓記第八

上古少昊陵

遁甲開山圖帝少昊葬雲陽 陝西通志少昊金天氏葬雲陽 舊志縣有少昊陵 亮吉按諸家地志自元以前均不載有少昊陵及所在至金始祭少昊陵於兗州今考劉恕外紀注云雲陽山名在曲阜縣蓋金祀典所據也然路史少昊葬雲陽注又云在茶陵之露水鄉攸縣界故今茶陵縣志亦載有少昊陵古事傳疑不獲一定必據彼駁此又非事理今姑從

淳化縣志卷十 塚墓記

二

舊志及通志等存之又漢書郊祀志及諸地志咸云雲陽甘泉古帝王之所常都晉灼云雲陽甘泉黃帝以來祭天圜邱之處必求其說則較諸茶陵荒渺反覺可稽但疑者傳疑聖人所尚過爲論證又恐啟路必諸人臆造之習無益地志也

漢鈞弋夫人陵

漢書鈞弋趙婕妤昭帝母也從幸甘泉有過見譴以憂死因葬雲陽昭帝卽位追尊爲皇太后發卒二萬人起雲陵邑三千戶 史記外戚世家夫人死雲陽宮暴風揚塵百姓感傷使者夜持棺往葬之封識其處 史記正義引括地志云雲陽陵鈞弋夫人陵也

在雲陽縣西北五十八里 顏師古漢書注雲陽在

甘泉宮南今土人呼爲女陵 于寶搜神記初鈞弋

夫人譴死既殯尸不臭而香聞十餘里因葬雲陽上

哀悼之又疑其非常人乃發塚開視棺空無尸惟雙

履存一云昭帝卽位改葬之棺空無尸惟絲履存焉

太平寰宇記漢武帝鈞弋趙婕妤昭帝母也昭帝

卽位追尊爲皇太后發卒二萬大起雲陽邑三千戶

列仙傳鈞弋夫人齊人姓趙少好酒病臥六年右手

拳飲食少望氣者云東北有貴人推而得之名到姿

色甚佳武帝披其手得玉鈞而手尋展遂生昭帝後

武帝害之及殯尸香一月昭帝卽位更葬之棺空但

淳化縣志卷十 塚墓記

二

有絲履雲陽記鈞弋夫人從至甘泉而卒尸香聞十

里餘葬雲陽武帝思之爲起通靈臺於甘泉宮有一

青鳥集臺上往來至宣帝時乃止 長安志漢昭帝

趙太后雲陵在故雲陽縣南三秦記曰鈞弋夫人居

甘泉宮遂卽葬之名曰思合墓 陝西通志在縣北

三十里卽雲陵 舊志昭帝發卒二萬築陵號雲陵

自漢始元訖今一千七百六十餘年遺塚巍然俗呼

大圪塔

唐楊員外郎令一墓

張說楊令一墓碑令一仙掌人十九舉進士高第大

中大夫檢校天官員外郎聖歷元年六月卒粵乙與

假葬于合宮縣平樂鄉之北阜郭門十里卽山西岡  
巒萬古之阡都邑九重之地隧寄新壠魂懷故域  
亮吉按楊塚通志及舊志俱無考

明羅御史廷繡墓

志在縣北十五里 舊志同

明羅知府奎墓

通志在縣北十五里 舊志同

國朝韓遊擊璽墓

通志在縣北三十里璽聖鄭陽守備康熙十七年勦  
竹房賊死節贈遊擊 舊志同

知縣事南州萬延樹重纂

宮殿簿第九

黃帝明庭

漢書郊祀志黃帝接萬靈明庭明庭者甘泉也注服虔曰黃帝升仙之處也 又公孫卿曰黃帝乃治明庭明庭甘泉也

秦林光宮

文選注云漢宮闕疏曰甘泉林光宮秦時二世所造也 顏師古漢書注秦二世造林光宮 又云林光宮縱廣各五里漢又于其旁起甘泉宮 又云林光

淳化縣志卷十一宮殿簿

秦離宮名也 三輔黃圖林光宮縱廣各五里在雲

陽縣界 長安志云漢宮殿疏曰甘泉林光宮秦二

世造 又云關中記曰林光宮一曰甘泉宮秦所造

在今池陽縣西北故甘泉縣甘泉山上周回十餘里

漢武建元中增廣之周回十九里一百二十步有宮

十二臺十一武帝嘗以五月避暑於此八月乃還

程大昌雍錄秦之林光至漢猶存元封二年始卽磨

盤嶺山秦宮之側爲宮是爲漢甘泉孟康曰甘泉一

名林光師古曰漢于林光旁起宮非一名也文景皆

幸甘泉不曰有宮當是秦林光尚可用也武帝雖別

一宮而林光如故

長定宮

三輔黃圖林光宮有長定宮 漢書外戚傳宣帝許皇后成帝許皇后並居長定宮

仙人觀

三輔黃圖秦林光宮仙人觀緣山谷行至雲陽三百八十里入右扶風周回五百四十里 亮吉按此條長安志兩引之並作三百八十里與徐堅初學微異

漢甘泉宮

三輔黃圖甘泉宮一曰雲陽宮 漢書文帝紀三年五月上幸甘泉注臣瓚曰甘泉山名應劭曰甘泉在馮翊雲陽縣師古曰甘泉在雲陽本秦林光宮晉灼

淳化縣志卷十一 宮殿附

二

曰雲陽甘泉黃帝以來祭天圓邱之處也 郊祀志

建元三年武帝囚齊人李少翁言作甘泉宮中爲臺室畫天地太乙諸鬼神而置祭具以致天神元鼎四年夏六月得鼎公孫卿曰黃帝接萬靈明庭明庭者甘泉也方士多言古帝王有鄰甘泉者其後天子又朝諸侯甘泉 金日磾傳曰磾母詔圖畫于甘泉宮

外戚傳圖畫李夫人于甘泉宮司馬彪續漢書輿

服志大駕公卿奉引大將軍驂乘屬車八十一乘備千乘萬騎西都行祠天郊甘泉備之官有其注名曰

甘泉鹵簿 史記正義云括地志曰秦之林光宮漢

之甘泉在雍州雲陽西北八十里 魏書地形志雲

陽有雲陽宮 元和郡縣志雲陽宮卽秦之林光宮  
漢之甘泉宮在雲陽縣西北八十里甘泉山上周迴  
十餘里去長安三百里望見長安城黃帝以來祭天  
圓邱處也漢武帝以五月避暑于此八月乃還 太  
平寰宇記云關中記曰林光宮一曰甘泉宮秦所造  
在今池陽縣之西北故甘泉山上周回十餘里三輔  
黃圖云甘泉宮漢武帝建元中增廣之周十九里漢  
儀注曰甘泉宮去長安二百里望見長安城開山圖  
曰雲陽先王之墟也中有神書鐵券玉石之記 長  
安志云關中記曰甘泉宮有銅人二在門外餘與太  
平寰宇記同 亮吉按王應麟玉海稱關輔記今考  
與樂史宋敏求所據關中記文同疑屬一書也

### 甘泉苑

三輔黃圖武帝置甘泉苑緣山谷行至雲陽三百八  
十里入右扶風周五百四十里 舊志甘泉苑在縣  
北車盤嶺漢時上林苑在南甘泉苑在北皆秦苑漢  
修廣之所包地甚廣其名則專主耳

### 甘泉谷

長安志云十道志曰今按甘泉谷北岸有古槐樹在  
故宮之南雲陽宮記曰甘泉宮北有槐樹今謂之玉  
槐樹根榦盤峙三二百年木也耆舊相傳咸以爲此  
樹卽揚甘泉賦所謂玉樹青蔥者也

前殿

漢官儀注武帝于甘泉宮更置前殿始廣諸宮室有芝 甘泉殿邊房中 漢舊儀芝有九莖金色綠葉朱實夜有光乃作芝房之歌 玉海云三輔黃圖甘泉宮一曰雲陽宮史記始皇二十七年作甘泉宮及前殿築甬道自咸陽屬

紫殿

三輔黃圖漢武帝起紫殿雕文刻鏤黼以玉飾之成帝永始四年行 甘泉郊泰畤神光降于紫殿西京雜記武帝設雲帳雲幄雲幕于甘泉紫殿世謂之三雲殿

靈波殿

述異記甘泉宮南昆明池中有靈波殿七間皆以桂爲柱風來自香

應門

甘泉賦注晉灼曰應門正在燔闕之內也

通天臺

漢書武帝紀元封二年夏四月至瓠子臨決河還作甘泉通天臺 史記作通天臺 注師古曰言此臺高

上通於天 郊祀志公孫卿曰僊人好樓居于是上令長安則作飛廉桂館甘泉則作益壽延壽館使卿持節設具而候神人迺作通天臺 漢舊儀通天臺

高三十丈去長安三百里望見長安城一漢儀注上有承露仙人掌玉杯承雲表之露元鳳間臺自毀榑栴皆化爲龍鳳隨風雨飛去漢武故事築通天臺去地百餘丈望雲雨悉在其下去長安三百里望見長安城黃帝以來祭天園邱處武帝祭太乙上通天臺舞八歲童女三百人置祠祀招仙人祭太乙令人升通天臺以俟天神天神既下祭所若大流星乃舉烽火而就竹官望拜王溫舒傳上欲作通天臺覆中尉脫卒得數萬人作上說拜爲少府西域傳贊營千門萬戶之宮立神明通天之臺括地志雲陽宮有通天臺元和郡縣志通天臺在雲陽縣西北八十一里甘泉宮中高三十五丈望雷雨悉在下上林賦置酒乎顥天之臺注張揖曰臺高上于顥天也舊志通天臺今遺址猶存高二十餘丈又云按關中記左右通天臺則是雙臺對峙通靈臺不在此列故西都賦又云抗仙掌以承露擢雙立之金莖也

侯神臺

三輔黃圖通天臺亦曰侯神臺又曰望仙臺

望仙臺

見上

通靈臺

漢武帝內傳鈞弋夫人既殯香聞十餘里哀帝悼疑其非常人也乃起通靈臺于甘泉常有一青鳥集臺上 太平寰宇記云雲陽宮記曰鈞弋夫人從至甘泉而卒尸香聞十里餘葬雲陽武帝思之爲起通靈臺于甘泉宮有一青鳥集臺上往來至宣帝時乃止 騰光臺

洞冥記武帝建元二年起騰光臺以望四遠常有飛光如星集於臺上亦曰經星臺集方士說仙事

### 招仙臺

洞冥記又起招仙之臺於明庭宮 原注卽甘泉宮別

名於臺上撞碧玉鐘

淳化縣志卷十一 宮殿簿

### 望風臺

洞冥記太初二年起甘泉望風臺

### 竹宮

漢書郊祀志成帝初罷甘泉泰畤作南郊日大風壞甘泉竹宮 禮樂志武帝祀太一于甘泉就乾位也 正月上辛用事甘泉園邱昏祠至明夜有神光集祀壇天子自竹宮望拜注韋昭曰以竹爲宮天子居中 漢舊儀竹宮去壇三里

### 高光宮

玉海云開輔記甘泉有高光宮

### 洪崖宮

長安志甘泉宮有洪崖宮 漢甘泉宮記近則洪崖  
旁皇

弩法宮

長安志甘泉宮有弩法宮 漢甘泉宮記儲胥弩法

棠梨宮

漢書注師古曰棠梨宮在甘泉苑垣外 張揖曰棠  
梨宮在雲陽東南三十里 玉海云關輔記甘泉苑  
南有棠梨宮

師得宮

漢書注師得宮在雲陽界其餘皆甘泉苑垣內之宮

漢甘泉宮記棠梨師得接于外

壽宮

漢書郊祀志武帝病瘳起幸甘泉置壽宮注臣瓚曰  
壽宮奉神之宮也

北宮

漢書郊祀志又置壽宮北宮張羽旗設共具以禮神  
君

增城宮

三輔黃圖增城宮在甘泉宮垣內

走狗宮

史記甘泉又有增城走狗天梯瑤臺等 亮吉按黃  
圖有增城宮則下三者蓋皆宮觀名

通天宮

漢武故事通天臺旁又有通天宮

益壽館

漢書郊祀志甘泉則作益壽延壽館 史記作益壽

延壽觀

延壽館

史記益延壽觀正義括地志曰延壽觀在雍州雲陽縣西北八十一里通天臺西八十步 索隱云漢武故事曰延壽觀高三十丈

迎風館

漢書揚雄傳武帝復增通天高光迎風宮 又云漢

淳化縣志卷十一

宮殿篇

八

武帝因秦林光宮元封二年復增通天迎風儲胥露

寒 西京賦既新作子迎風增露寒與儲胥 文選

陸士衡詩置酒迎風館 玉海云關輔記武帝作迎

風館

露寒觀

三輔黃圖武帝先作迎風館於甘泉山後加露寒儲

胥二館

儲胥觀

見上

石闕觀

漢書司馬相如傳上林賦歷石闕歷封巒過鳩鵲望

露寒注張楫曰此四觀建元中作在雲陽甘泉宮外

三輔黃圖甘泉有石闕觀 長安志闕一作闕

封巒觀

漢書揚雄傳甘泉賦封巒石闕施靡乎延屬 又云

度三巒注李善曰卽封巒觀也 三輔黃圖甘泉有

封巒觀 長安志封巒一作三巒

鳩鵲觀

三輔黃圖建元中作石闕封巒鳩鵲觀 長安志鳩

一作枝

旁皇觀

漢甘泉宮記近作洪崖旁皇 長安志甘泉宮有旁

淳化縣志卷十一 宮殿類

九

皇觀 玉海云闕輔記甘泉宮西廂起傍皇觀

高華觀

史記甘泉又有高華白虎温德相思觀

白虎觀

見上 亮吉按後漢書章帝紀會諸儒白虎觀自在

東京非此蓋亦倣舊名爲之

温德觀

見上

相思觀

見上

仙人觀

三輔黃圖甘泉苑中有仙人觀 亮吉按此仙人觀  
黃圖與石關封巒鳩鵲並言則與秦林光宮仙人觀  
是屬二觀也

天梯觀

見上

瑤臺觀

見上

昭祥苑

洞冥記昭祥苑在甘泉宮西周十里萬國獻異物皆

集此中

梨園

淳化縣志卷十一宮殿

十

長安志云雲陽宮記車箱阪下有梨園漢武築之大  
一頃樹數百株青翠繁密望之如車蓋木園 漢魏  
宮志甘泉宮有木園武帝時園也今俗呼爲仙草園  
赤闕

玉海云開輔記武帝造赤闕于南以象方色 甘泉  
賦注晉灼曰燁闕赤色之闕南方之帝曰赤燁怒

馳道

漢書翟方進傳方進爲司直從上甘泉行馳道中既  
至甘泉宮會殿中

諸侯邸

漢書郊祀志武帝朝諸侯于甘泉作諸侯邸

居室

史記衛將軍傳衛青嘗從人甘泉居室正義曰居室署名武帝改曰保宮灌夫繫居室是也

昆明池

玉海云關轉記甘泉宮南有昆明池亮吉按與長

安昆明池蓋皆武帝肄水軍所作故二池同名昆明也

黃圖水

漢書注晉灼曰黃圖波浪二水名也在甘泉苑中

波浪水

見上

淳化縣志卷十一 宮殿

十一

秦時

漢書武帝紀元鼎五年十一月辛巳朔且冬至立秦

時於甘泉

紫壇

漢書郊祀志匡衡言甘泉秦時紫壇八觚宣通象八方注服虔曰八觚如今社壇也又云紫壇有文章

采鏤黼黻之飾及玉女樂

五帝壇

漢書郊祀志五帝壇周環其下

羣神壇

漢書郊祀志又有羣神之壇以尚書禮六宗望山川

徧羣神之義

石壇仙人祠

漢書郊祀志石壇仙人祠瘞驚路駢駒寓龍馬不能得其象于古

徑路神祠

漢書郊祀志雲陽有徑路神祠祭休屠王也注師古曰休屠匈奴王號也徑路神本匈奴之祠也又注曰元狩二年霍去病擊匈奴得休屠祭天金人祠諸甘泉以爲天神主地理志雲陽有休屠金人及徑路神祠三所越巫貼鄴祠三所亮吉按以上諸祠皆在甘泉宮中故錄入之

淳化縣志卷十一 宮殿簿

三

漢雲陽宮

漢書外戚傳馮昭儀徙雲陽宮魏書地形志雲陽

有雲陽宮長安志云開山圖曰雲陽先王之墟也

中有神書鐵券玉石之記又云王褒有雲陽宮記

舊志雲陽宮在故雲陽縣秦離宮也亮吉按黃

圖及關輔記等皆云甘泉宮一名雲陽宮一曰林光

宮今考漢晉外戚傳及服虔師古等注與開山圖諸

說則是甘泉宮外又別有林光雲陽二宮師古等注

漢書皆云雲陽秦離宮名疑漢甘泉宮實兼秦林光

雲陽二宮之地故合言之則曰甘泉宮分之則甘泉

宮外又別有林光雲陽宮也今故分錄之如古

漢陽宮

舊志漢陽宮在縣西二十五事蹟無考

後秦姚萇宮

舊志姚萇宮在小杜村西北有永安故城有唐貞元中碑載其事 亮吉按舊志又載有秦王殿云姚萇兄襄所造在縣北五十里白堡箭榦山今考其地屬耀州境故陝西通志亦載入耀州今不錄

後周雲陽宮

北史後周有雲陽宮

